

忠雅堂文集卷二十三

詩二十三

鉛山 蔣士銓 心餘

蕭公渡覆舟

按先生丁酉年詩全沈於水後收羅者纔十之二三故詩中有詩卷淪沒難爲編並重過蕭公渡有巾流淚墮地詩句之句也

顛風盡吼蕭公渡
篙折檣傾擎不住
砰然側僊臥波濤
性命由流誰得顧
主僕相持衝浪起
赤腳袒身據船底
打頭猛雨夾電飛
自未歷戍不暫止
電繞雷奔四望絕
水氣腥聞唬溺鬼
寒侵肌骨牙齒顫
須臾身等鴻毛死
我時兀坐淋漓閒
兩奴股栗如驚癩
語奴耐之靜勿喧
河伯雖侮天公憐
遠鎗明滅岸昏黑
雨急浪大船將遷
長年鳴泛往求救
小艇接引心惻然
因之蒲伏矮篷底
如劍入鞘難容旋
燂湯飲我暖胸膈
許割敗絮遮背肩
其人醜黷嫵媚感
激似遇乘槎仙
燭盡軒聲比酬唱
萬愁交集誰能眠
安神闔房念妻子
魂夢不到傾舟前
蛟龍攫去亦已

矣七尺枉待酬恩捐行裘蕩洗豈足惜詩卷淪沒難爲蠲平生
長物但有此劫毀似奪膏腴田怨尤俱泯久作達懶情竟觸神
人愆凌晨登岸詣斥堠老兵啓戸能相延解衣推食拯危難厚
意實可心骨鏘故人孫宰適守郡湯維濟太守廣文更有先生虔危踐常司訓
濃墨塗雅具兩札健兒廿里馳書便斜陽欲落雨復至興蓋僕
御來喧闐三更霽色閃微月城堞隱隱橫輕煙郡侯列炬遠相
逐此身才到光明天廣文埽榻出雞黍兄嫂間慰眞拳拳驚魂
稍定若夢寐執手一咲非偶然明朝作書報妻子藏園可望吾
生還

知廉馳赴撫州省視感而有作二首

手把耶書字衣雷母淚痕來同飛鳥疾事比戴星奔看面交悲
喜支牀安夢魂多情煩父執爲爾具壺飧

巢細陳家事挑鐙到夜闌修名當自立行路古稱難病目宜收
視墮場得靜觀雞鳴理歸權爲母說平安

界山

兩郡提封接櫟空湧一關雲門開細竇鳥道劃羣山到頂邨醪
賤緣梯客步艱年豐徹防守不比控諸蠻

中田二首

萬壑千巖裏人家古義門安閒到雞犬禮讓及兒孫地失號飢
苦寒知挾纊恩天邊德星聚今在魯連邨
樂歲收遺稌凶年有宿糲社名通德里家立廣仁莊廩繫三農
望邨排仲子倉豚蹴祀田祖處處祝豐穰

西谷丙舍書壁示陳青梧

煦秀才

新種庭楸集孝烏綬衣憐汝帶經鉏晴窗正好攤書史喬木從

今入畫圖七月敝幽知稼穡三年安墓禁樵蘇一龕燈火千秋業算對青山感歲徂

往南豐

言登茂姑嶺卻望軍峯山積石陂陀醜當門壁壘蠻布縷家能織文章士最嫺銷兵煩長吏何術與防閑

與譚誨亭廉使小酌池上

二十年前月依然落酒杯聊因闕池館何必起樓臺志節今難及功名說後來涼蟬飲清露流響一何哀

憶藏園

蓮衣才洗豔金粟定舒黃水榭簾都卷秋庭樹漸香憑闌人憶遠命酒夜生涼咲引諸雛戲開階拜月光

憶秋竹山房

老樹應思我新蟄正感秋書拋鄴侯架月負庾公樓覆砌花能
咲依謖符自抽兒曹誦經後當與卜歸舟

建船謠四章

撫河寬建河狹一水彎環四山夾浮沙作底船船拖圩江乃是
無定河

雨來水勢箭脫弦雨過河身沙滯船爬沙作溝放船下上水船
來如病馬

建昌山東建河口溺鬼啾啾颶風陡廖坊青泥人鬼關連峯都
是覆舟山

惻惻復惻惻上水行不得蛟龍之窟君莫住南豐縣官失印處

藏園二十四詠

小鷗波艸堂

白鷗如病翁照影一池水我是忘機人四十知所止何必蓮花
莊梁鴻堪老矣

含穎樓

一塔若天柱向我闌干倚從善如登梯相對成汝爾萬世不用
兵所貴毛錐子

定龍

須彌藏芥中飄輪吹不動念彼金剛力骨比青山重既靜乃可
安無覺亦無夢

養直

古井傍我直大哉養之義共此食息中萬物含生意雞犬好安
閒階除相乳字

兩當軒

咲彼兩當衫似我一桁屋朝曦東牖來夕月西窗宿居之實能
容戲捫空洞腹

四出方丈

參禪本習氣且嗅金粟香花在月輪外斧斤焉得傷誰是如來
身香過禪亦忘

邀魚步

不知我非魚但覺岸卽水相邀論潛躍一勺涵千里本無結網
心安辨魴與鯉

蕩船

弱水不可航虛舟自無礙是蕩還是船或有仙人載張融非吾
徒何論膺與泰

澤芝一曲

出水看新渠在渚亦可過身如妙蓮花何必葉上坐下藏魚樂
國一咲萍衣破

釀春花榭

息以胎其生冬乃春之母和風吹麴蘖花氣濃于酒家祥醞艸
木種秋吾何有

茶煙奧

奧在西南隅茶竈安此中先生兩媚之腋下生清風咲問衛大
夫渴者將毋同

青珊瑚館

簞簞列坐隅不讓崇與愷何物鐵如意能碎蒼龍鐵取以作釣
竿亦可游東海

玲瓏廡

面面生光明不等舉家廬坦腹而暴背隨意成賓主可憐方闢
眼轉側分門戶

匱月簷

明月信人也夜夜入我檐此鏡出天賜拓宇爲之匱壁上老夫
影可似蘇子瞻

因屋

創難因則易一切如是觀上古多巢民何必申屠蟠禮射不主
皮聊示身體端

獨樹老夫家

韋家指花樹韓家傍梧桐老夫材不材願學杜陵翁子孫居安
宅無忘歌角弓

秋竹山房

有根乃有節風霜不能苦舊籜換新萌青鸞好毛羽蟬蛄說春秋蕭疎自千古

晚晴廨

地輪有上下兩曜無朝暮人閒重晚晴夕照開西塢轉牕陽烏升何新亦何故

芳潤齋

六藝偶一激萬彙俱嫣然枯槁非文章浮豔是必捐香從靈液生養以不竭泉

香雪齋

種雪一畝宮人云是梅樹冷日曬不消芳潔體原固調羹偶然耳榮落守吾素

綠隱樓

高樓齊浮雲百尺易傾倒何如藏樹陰望遠亦可了中有經傳香正待碧紗繞

習巢

弱羽飛不高翩翹時一舉勁翮搏長風勿忘同巢侶鳳凰好文章鵬鸞吾何取

鑄所

聖賢出甄陶何況文字閒鑄鞠苟失時五金同一頑功候驗火力孔冶方成顏

晚香書屋

治牆年命長其香未嘗晚可憐迎春花芳豔何其短即使老東籬亦見秋光滿

寄懷袁丈易齋八首

先生學道人情性得天厚閱世七十年物新我仍舊太虛轉氣
機默默欣所受但存悲憫懷變滅皆可宥心和生理長不借服
食壽所以蒼松姿蒼眉同紫芝秀

知足屏外營內視知不足平生經世心所學異干祿小用獲大
效觀物亦已熟喬林漸迴青芳艸忽盡綠豈不感逕流聊且澹
榮辱止水雖無波汲靜泉始復

佇立秋風前每憶林慮叟心同古人師敢曰君子友夢寐時復
見言行恐相負從興赴鰲湖信宿事亦偶奄忽十三載熱淚墮
尊酒可憐山處懷脈脈契已久

山中築艸堂道味老益腴悠然寫心懷雲行水舒舒靈源澹空
明不見淵與魚所言孕名理妙義煩舍阻蘇公和陶詩尚落迹
象餘至論歸自然不在通羣書

每對南山雲動我依依想況開尺素書目共征鴻往上言會晤
雖下言衰病長平生故舊情規戒一何讜願翁享修齡手握伏
生杖國老乘安車去就臨雍養

隨化盡則已未化樂我生如何作達翁尚有歌哭情世無不死
樂賢哲皆長庚各自具修短不在骸與形政事文字閒翁壽逾
幾鏗嗟我詹詹言竊比候蟲鳴翁當憫蜉蝣老淚爲吾傾
貧居十五載寂算心已安

天語及姓名感激淚頻墮志節難遽明知遇敢終荷仍趨文字
職竊恐深願左平生胞與懷施設期一可與翁疇昔言老矣鐙
前我

治譜存一編題曰圖民錄利導信有方與聚隨其欲馴養如孩
提無取官吏俗我持痛癢念展向茅檐讀堂堂陳仲子殺青付

守牧同我官戒詩刻石摹萬幅但願專城人平心爲三復

恭和

御題史忠正

可法

遺像詩韻

生氣自

天題處見嶺梅新帶墨花芳忠褒異代綸兼綍柄荷危時網
失網王彥章猶傳一行小朝廷略比同光神兵壓地長城壞
卻咲孤臣尚守揚

曉起

露晴峰蚤趁林曙鳥先知虛幌駸駸白朝陽故故遲井暄憐僕
健眠少覺吾裘起視爐橫樹田家已試炊

周烈母詩爲周觀察作

長沙有周氏儒素稱清門明經耦賢妻系出扶風昆十三新嫁

娘三日服練裂袷書盡婦職仁孝惠且勤如是四十年言行罔不敦崇頑癸未歲流寇揚楚氛夫人告夫子避亂有後先老姑九十餘率率難共全君速將母去掩迹桃花源妾自守門閭庶以簡鎮繁長子曰繼聖角巾何翩翩夙抱文武略團練張一軍田橫五百士各各勇絕倫待變不及戰城上降旗翻袁氏固儻豕迎賊肆反唇嘯賊招周郎授官散其屯夫人呼兒來急脫兜鍪奔勿爲賊所污上報養士恩兒戀母依依夫人決背腹汝留當作賊州閒難苟存拔劍欲自剄兒竄聲淚吞袞乃導賊來攻殲三百人殺氣蔽街衢覆巢一炬焚遂縛夫人去及媳吳項陳可憐四姬妻極楷刀鋸閒繼聖跳賊砦哭跪阿母前母叱汝何來死所吾已欣賊渠恣脅迫汝降全母身夫人顧三婦汝輩何所云僉曰偕死耳交口罵益振賊怒駢斬之翼母兒臂伸斷腕

明倫彙編 家範典 卷二十一
仆繼聖母血飛仙雲仲冬廿五日慘動河山昏烈聲滿六合后
土皇天閭母年五十八薨葬土門山繼聖叩幕府結客誅爾袁
手斫讎人頭列祭同雞豚流光母一咲再拜雲中君烈母生孝
子不仕焉用文貫肘薇竹簡嵌筆書煩冤哀哉七哀詩錄紀名
潛然與古遺民作血跡連號痕堂堂觀察公是爲母元孫捧狀
示老史乞爲傳先芬臣職任紀載敢不書其真觀察名克開忠
孝見本原他日列侍從奏請 褒封綸庶補亂世缺 國史昭
貞魂

出峽

以下二首爲友人題畫

打鼓發船行波濤到眼驚奪門江力健搏雨峽雲爭客倚帆爲
命天固樹作城巴人愁萬種誰解畫猿聲

轉戰

風雲縣壁顯心膽作金湯戢氣連沙白屯烽閃日黃師貞憑長
子兵勇縛名王一騎流星疾馳書報未央

過瑞洪二首

記得韓康賣藥街袁公門巷掩荆柴瓦鐙照字教兒讀敗絮圍
身臥母懷船泊檐牙棹作飯魚生牀角鼃沈蛙六年往事堪迴
憶只有殘碑宿州埋

三齡栖託八齡歸墓祭深慚報禮微奉母何曾陳鼎俎銜哀今
已脫麻衣九原酬德心無盡雙
敝地封願敢違空臘兒時兩
行淚重來兼慟失慈幃

知廉作舟中咏物詩戲和七首

用與香槽別居同月鼓隣因文疆界定截句短長均偶並首聲
水屑齊伯仲身周郎算迴顧仙手拍來真

檀板

算處同腰笏憑來等臂支周旋得圓理圭角與方宜暫許勞劬

息寧煩警枕歛先生號南郭索米更何爲

曉裝

唉我彈冠懶煩他結轡該寧容許行織不自孟嘗來襲異升階

納輕宜舉趾迴浮雲方脫屣囊囊漫勞猜

跋鞋

短几支琴枕安絃靜欲流平鋪七條水橫拂一江秋請席高年

適停尊小宴留眞宜隨枕履何藉椅梧休

琴几

人稱五經笥家有一青箱久與孤檠伴聊分二酉藏蟬魚難聚

處螢火得充囊啓鑰芸編見罪罪綠字香

書籠

白氎裁三尺青篷捲一層垂垂遮午夢帖帖敲船鐙入暮椅烏

隔褰帷海燕能五更寒透骨添挂鶴文綾

風帽

淚滴金盞滿珠留裏口殘收來餘可拾暫處面能乾但許愁時

擊難爲病後看傳聞多感激聊貯涕洟

唾壺

消遣

會案夫妻共書鐙父子同商量古人事消遣石尤風用世心猶
熱謀身慮久空憐他小兄弟都解弔英雄

卷尖石二首

脩眼雙姑外中流此石存誰知信州水亦有落星墩枉渚沙堤
抱連峯陣馬屯圖經許重訂應喚小崑崙
石印分明似難將肘後縣誰藏髑髏骨共指寺門阡云有蠻夷
長來燒子母錢無稽姑妄聽留戀釣人邊

童山

童山排壁壘卵石散兒孫竅眼攢峰穴腰圍泐水痕波迴激鐘
響龍起掣雲根願借神人力鞭驅塞海門

九石

靈山居郡帥九石列牙兵水借龍門鎖關宜猛獸橫迴溪邱壑
美入縣畫圖清鹵莽煩詩老詼嘲出語輕

查他山朱竹垞有過鉛山嘲九石詩皆門外漢語九石一名九

師

河口

舟車馳百貨茶楮走羣商擾擾三更夢嚄嚄一市狂移官資坐
鎮轉聚奉神倉賢相何人繼空尋綠野堂

灘

陰火潛然處驚波乃沸騰譁同六軍變湧似亂雲蒸憂患經重
坎安危仗一繩三朝頭欲白何必上黃陵

懷熊汝條叔比部二首

磊落推吾友文章用世才誰稱萬人敵君是百花魁荆喪悲前
哲崢嶸託後來鉛州好山水終見出羣材

近宿皋陶廟挑鐙注呂刑從來丹鳳羽多聚白雲廳獄滿圜扉
州天空貫索星厯虞無異治三省重生靈

寄胡簡齋

師楷

秀才二首

慷慨持清議欣聞水利行當關一夫敵瀝血萬言爭古圳涓涓
瀉誠心耿耿明誰知六千畝膏沃仗書生
溝洫通無阻田疇慶有秋先拋飽粥產豈爲稻粱謀畏蠲人應
感桐鄉俗未偷忍令顏巷餒各各享甌甔

蕉溪壩

一綫蕉溪水居然入舊濠迴波銀漢轉新壩鐵牛高天塹源真
遠狂瀾挽最勞老夫心鄭重猶爲染霜豪

采野菊

野菊香盈把離離插短篷秋橫鐙影下黃到酒杯中壓枕宜衰

鬢充糧比鞠窮翻疑萬船外高臥百花叢

攜眷屬再宿安泉園感憶素邨前輩三首

柳方高出屋樹漸老于人總帳塵猶積柴門月自新分田兒析
爨馨膳母如賓牆角橫雞岫山眉故故顰
泉湖汲未盡山骨鍛來銷地瘠人難住風微氣益驕書聲聽寂
寞農事看蕭條發期公子青雲路豈遙
銓前兩命婦嫻嫻一家人再會驚霜鬢新愁疊酒鱗歸寧憐弱
女傷逝感前塵燭盡披衣起虛檐苦自巡

拜別先塋四首

柯嶺接崇岡靈栖選佛場鉏經留舊澤種樹發新香祖德艱難
積孫枝宛轉芳焚黃十六載奄忽鬢毛蒼
未荷舍館愛頻興掃墓歎恩叨地贈救臣愧進賢冠敢謂力

名薄從知報稱難難礙頰默佑只恐負鵲鸞

裴君

三十年碑碣封題疊薛苔重申柳下禁難釋
隴頭哀拔萃攜兒去招魂奉母來之官守遺訓不敢墮泉臺

瓜藤山

酒澆新馬蠶淚滴舊朝衣祿養知無補廬居願已違
致身存志節習苦曠輕肥敢望陳牲鼎兒衰席蚤歸

天井塘

積翠巖

手寫名山額真同小普陀奇穿仙洞迴險貫石林多
芋火僧俱寂詩牆墨未磨重參觀自在百歲幾經過

石井菴

幽厓開虎口陰洞豁龍宮雷雨藏難覓風雲感自通
潛收羣水定臥抱一珠融倘許司餅蠶矜持點滴中

懷約堂員外二首

小住楚鄴館緬懷栖靈山聞歌銷壯志得酒駐朱顏明月兩人共白雲終日閒何時翦銀燭重與說情關
商量經世業指數出羣才鐙暗聞三嘆更長把一杯事親遺組綬求友重桃哀怕聽停雲曲因君首數迴

延佇

五十三年過還鄉一番因辭桑梓樹愁對鴛鴦原兄老兄難恃家貧周易翻舍情分手處延佇復何言

留夢

馬嶺千秋豹駝湖一朵山無田終似客投老曾當還所學遺溫飽斯民切痼瘼寒江買舟去留夢落鄉關

薄酒

薄酒不成醉朔風吹壯心掩書籌古事歆枕發長吟冰雪橫空

下雲山向我深前峰插天翠多感怯登臨

自題藏園圖三首

換卻春衣試晚涼破雲眉月點新光蛙聲漸起鼻雅睡風弄一池荷葉香

斜陽下盡算蟬嘶抱水朱闌一字低十八扇窗全挂起畫簾垂向滿塘西

涼雲穿樹天將暝算靄迴風氣漸清荷葉全鋪蕉半展雨聲輕重最分明

月夕偶作呈鍾介伯孝廉

宜園鎙火紙窗明三十年前共此情牙齒漸同秦博士兒曹皆作魯諸生扁門自覺幽栖穩種樹何時美蔭成澹月疎簾少眠睡暗循花徑聽書聲

題兩峯畫屏十六首

君子戒苟得六事廉爲本卓哉楊關西守身獨能謹吁嗟好貨人終焉亦堪憫

楊公補金

友道日以喪結交須黃金千里齋鏡具傷哉知己心低回孺子祠湖水依然深

徐君磨鏡

待用而習勞窮士甘自棄一出立功名擔荷平生志抱轡灌園蔬辛苦亦無謂

陶公運甕

孺善爲人奴兩乳且流渾堂堂元紫芝此義邱山重伯道足千古誰按程嬰踵

嬰夢乳姬

天高聽自卑不待瑣瑣告稟矣焚香心藉以存檢校媿彼欺罔徒覲顏作大誥

清獻焚香

忘食不求飽況有齋與粥相業藏此中穴金無可欲祿米拜萬

鍾同餐義莊粟

文正畫粥

我面樸子大君子不可賄賢臣進金鑑豈但燭千里季輔受上

知拜賜斯可矣

曰公辭鏡

創痕猶在足受杖不能再畢竟進天書傷哉母何在願采金護

花同公樹堂背

萊公撫痛

齊女戒雞鳴化被來永巷中興繼二南哲婦稱富相夜飲醉傾

城邦家倏焉喪

皇后脫簪

唯逸則思淫歎家主猶續閨人逐燕游機杼空倚壁何取刺繡

紋不如勤紡織

敬妻手續

秦妻不下機羊妻乃絕緯可憐婦人心願夫求富貴不若老萊

妻投春皇然退

萊妻投春

牽鹿挽柴車提轡備朝汲苟能事君子奚取封郡邑鄙哉求去

人日對樵夫泣

桓君提攜

三日洗盛妝推髻入春廡夫賢敢不敬是乃梁鴻伍廬尾驅犢

車相公徒自苦

孟光舉案

茅容烹伏雌老母竟獨饗似慚截髮人含咲眠牛壤披圖念亡

親客至吾安仰

陶母截髮

願婦兒孫賢崔門自茲大嶢峭餉育姑變矣家人卦可知舍館

心調飢亦無奈

曹氏乳姑

壤垣出錢舟天憫清門窶無勞而有獲掩以貧家土豈但披裘

翁不爲遺金取

李母掩錢

題維家書畫冊子七首

近來畫梅童二樹十指終年染墨痕畢竟成陰生子後美人高
士共銷魂

畫到梅花亦可憐無聊自占雪中天請看孰苑吳陳輩凍骨撐
持未死前

未識頑仙鄭板橋非人非佛亦非妖晚摹瘞鶴兼山谷別關臨
池路一條

翰林前輩數袁公監福清裁一世雄鄭李率連成合傳韓非老
子究難同

欽寄歷落李晴江努目撐眉氣力強畫此詩書覺儒雅不成著
薩是金剛

賞鑒人家傳舍更宣和遺勅滿柴荆仇池異石韓公馬忘記東
坡與晉卿

李氏梅歸范氏藏廣平曾說占平章相公自具調羹手卻累林
逋送古香

病後

病後身如寄秋來夜漸長閒階轉涼月疎雨滴寒光
鐙暗釵盡細鑪溫棗火香殘魂怯新夢將曉益勞皇

陳五

守譽

舍人來訪留宿嵐屏精舍

我呼裴叔則人愛崔宗之風義稱龍尾文章奪鳳池
立身惟自主用世各因時話到無言處交情脈脈知

題畫爲介伯作

雄雞一聲天下白老圃秋容有佳色君能臚唱五雲中
晚節應師韓魏公前人畫此豈爲偶百歲留傳屬君有
老夫亦是霜中菊君本陽烏異雌守相依如在畫中閒
雞自飛鳴菊可憐看君毛羽成威鳳我去餐英學散仙

重過蕭公渡二首

認取前番墮劍津詩瓢難覓最傷神浮屠下有沈舟浦我是觀
河面縐人黃帖歐碑事有諸今年除夕祭應除中流淚墮埋詩劍不等洪
喬篋內書

忠雅堂文集卷二十三

忠雅堂文集卷二十四

詩二十四

鉛山 蔣士銓 心餘

出門 戊戌

一院雜花發主人方出門園林過夜雨
艸木被新恩念母增心痛牽孫拭淚痕
登車礪臣節不敢說銷魂

開先漱玉亭

羣龍愛山居得閒卽奔舞巖巒偶失肩
驚練奪門戶我來水精域坐與雷霆伍
寒蛟不能醫絕壁字可數飛湍擣虛潭
晴雪劈空吐旣落九走坂初飄箭辭脊壓面
雙劍峯割裂萬雲縷其源遠算測兩瀑若垂乳
委蛇併一洩厚地失其土如聚金剛力共擊
甘蔗鼓山眉洗益壽石骨浸算腐分支入江河
接溜漑農圃小別廿二年照我須眉古欲借諸峯
泉散爲天下雨

三峽橋

五丁劈蠶叢餘勇不可遏揮斧匡廬地輪乃一豁函谷失其
守鴻溝竟遭割愚肩已破碎媧煉難補幹谿空匿奔雷壁陡排
峭闔獸獐牙爪利陣竊刀劒拔神幢倚金剛佛座湧菩薩姦或
來窮奇鬼或聚羅刹黃河失故道天漢落深轄穿貫谿衍中猛
力恣騰跋遮關或稍留控扼愈跳脫擊空成絕叫觸險爭倒喝
濡尾囚冰狐灌頂死旱魃東之遂并逃障之乃四達水威挫益
雄石性焚逾辣誰能移柱砥孰敢用鞭撻老僧留客坐滄茗解
枯渴墜淵神自全出峽倖猶活目眩左耳聾入蜀意已奪

栖賢玉淵潭

山泉九十九會趨三峽礪上流谿龍宮其厂飄雪練潭中眠老
龍以水爲養參腹滿不可貯倒噴激飛箭佛鉢未肯收促迫風

雨戰白煙凝蛟涎濕氣走雲樓石崩水則柔相敵翻屢變我來
再垂餅可漱亦可噉石陂古人字剝落墜隱現李渤去已久但
有空王殿誰爲羅漢身指月淵中見

順風過大小孤山

蛟龍栖廬山觸處噴煙水虎豹居番湖隨地露角齒叢叢兩岸
排磊磊中流峙拍肩競雄豪擁髻相賢美笑兀有本性欲待各
成體孤立亦自得依附或堪鄙水柔似可狎石介終不徒驚濤
若爲雲遮樹但如薺江湖逞威力齧岫驗根柢帆張驚艣靜浪
細僮奴喜我持平等心風利焉足恃遙祝馬當神無偏乃公耳

東流阻雪戲作

衾鐵生稜布帷薄臥聽江聲打油幕爭訝風隨縛虎號那知雪
共驚鴻落梨花才逐春分開柳絮翻從社前脫沙崩次第移櫂

頭水漲參差縮洲腳荒汀酒貴買茅柴隣舫篷遮弄絃索吹笛
誰披紫綺裘拍板人歌白翎鵲似聽羌兒唱紇干失咲蘇卿守
沙漠遙憐婦子祝平安豈識江湖歎飄泊藏園芳信撲簾櫳碧
沼柔波沁樓閣玉茗香攢膩粉苞海棠紅破燕支萼雛孫定向
柳邊嬉病妻或對花前酌可憐旬日未千里敢道六州成一錯
船同北里鬪筆選岸指東流失城郭明朝瓊樹挂銅鉦應許櫓
鳥辭東徃

改泊蓮花洲

滕六強制與二威鶴羽忽變蠙珠飛急飄緩酒意未足雜以雨
霰寒煙霏東船西舫議改泊濕帆折搶橫風微俄夫得食老女
嫁戰壘解駁疲軍歸小伸未許五口復薄稔且救三年飢須與
打榷棊改局排比繫纜絃移徽長年殺雞禱河伯舵女翦紙祠

江妃東流怪犀闥年出春漲每駕銀山巍前番一洗萬檣滅慘
如赤壁燒旌旗去危就安計亦得豈曰昔是今則非迴眸舊岸
已廿里新豐保聚重相依

池州道中

人家都向畫中移門外春江遶綠陂不但蓮花開九朵遠山橫
處盡蛾眉

感歎

留人畫舫三分月送客春帆五兩風烏鵲南飛多感歎大江東
去幾英雄

荻港守風登鳳凰山四首

一角幽居巖半嶺瑞石洞愚公負之來江力不能動平生登陟
興所值防少縱石尤知我深擇地巧相弄攜兒試躋攀不省腰

脚重一咲離扁舟醯雞出深蟄

茲山名鳳凰南向展雙翮右臂林慮排左臂巉巖積牛羊雜師
虎游收相偃息向背矜盤拏起伏爭辟易以石作毛羽片片皆
斧劈襍褻梳長翎斗數交短翼只疑鐵圍城不許樹穿隙竇納
趾二分僂藏客五尺竟作飛鸞人失咲手加額

躡脊跨西嶺喬林立相倚老楓欲化人萬木各生死楓根百鍊
剛山骨避觸抵檻突土莫容拔地各騰起或伸石鼎脚或掉鳥
健尾橫如竹行鞭曲比蛇赴水枯藤纏佛身薜荔縛山鬼筋脈
本倔强氣力自終始何必餐桐花山頭有楓子

返跽叢篁深戛然度清響翠擁如松庵僧老方入定江濤自掀
天不入諸佛聽牆東種菜翁喚之弗我應掉頭板子磯落手如
墮甌遙想黃左軍蠻觸爭負勝曳履辭香龕千寸下樵徑簫聲

出江樓疑有仙人凭

棖觸

蕭牆簞豆每操戈富貴人家等逝波不及池陽風俗厚五松南
北義門多
宋青陽方綱七百八世同居銅陵余起千三百餘鐘十一世阮鍾備十二世自同居而江與成百八十日同死建炎之難海內希有也

燕子磯風雨橫暴竟夕因念知廉往似棚旅困

僧樓墜空鐵鎖絕雲根墜水危磯裂初疑鬼母弄兵戈漸駭神
蠓徒巢穴黃昏略見石燕翔夜半俄驚天柱折舟如鼉鳴亂灘
脣人似牝糠聚箕舌木號波撼衆耳聾地黑天昏羣象滅南甌
解慍職長養朔吹張威司埽撒清明已過百卉昌何取飄輪不
停轍一日通行三日坐顛頓鮎魚羈跛鼃吾兒策蹇更狼狽茅
店鐙寒展衾鐵風中病眼豕負塗驢背詩肩蟻緣垓祝翁安吉
此時情人阨天窮兩無別五風十雨有常占咲我平生走趨拙

建隆寺視三孫女墓二首

多謝山僧埽葉勤
阿翁來上女孫墳
埋香戶解花三朵
倚竹魂消月二分
在日將留遮額髮
生時應著半身裙
賣錫天氣含飴酒
和淚爲伊洒夕暉

不信能探隔世環
遺邱深護碧琅玕
碑應添土防泥掩
骨慮行鞭被筍攢
諸佛定憐新鬼小
一坏能保百年難
憑誰補志圖經內
記取青溪小妹棺

梅花嶺謁史忠正祠墓

十六年心事重來一拜中
天令存畫像聖爲表孤忠
遺墨牆碑勒宸題寶碣
舊梅花含咲處不與舊時同

題朱子頻都轉在蜀中所畫大師子

佛云獅子勇無敵金剛搏之用全力多君氣力大于身書畫禪
中善知識昔年曾磨墨一缸酒酣怒寫百獸王方顧楚額毛龍
裝山鼻劍齒雷電驅孩撫熊熊肉犀象鐵柱作腳無人扛林深
月黑倘一動萬鬼不敢窺虛堂巴江逆流雪山倒奴視前賢顧
光寶騶虞老弟白澤兄肯向空門作牙爪吁嗟乎仙家墮劫五
百年鸞鳳且受神人鞭能爲虎豹何須畏不作麒麟亦可憐

謝兩峯畫幀額

兩峯爲夫白蓮爲妻男能紹詩書女有芳淑儀一家仙人古峯
屬墨池畫酸相扶持同居香葉堂老樹盤曲如龍翔仙人眷屬
不肯騎之去雲霞結牖風月窗書淫畫癖出天性乃築畫庫營
書倉花開把酒共斟酌不願曳裾諸侯王我眠紙幀中手裁六
尺鶴紋綾來過古揚州船中預磨墨兩升見面便乞兩峯畫兩

峯攜去不我應明日花光滿衾枕曉夢驚覺披衣興玩之叢叢
妙香出云是一家仙人墨戲揮以肱兩峯寫梅花白蓮畫牡丹
梅花橫臥牡丹立恍若天女下偃高士寒女爲黃菊子幽蘭意
態澹澹秀可餐老夫忽墮衆香國却憶山妻獨倚鷗波闌闌邊
鼠姑已將放梅葉滿樹遮山蘭籬根菊枝亦漸發主婦灌溉全
家看爭似兩峯眷屬相國藥寫花贈我非無端怕我枯寂生愁
歎可惜庭中老樹不可借老夫騎去元都壇勝在花間偃仰游
邯鄲

梅花詩和李薊林

奉翰觀察韻

山肩水曲見孤根何必羅浮指舊邯春透已迴枯槁色花成猶
帶雪霜痕斜枝自挺寒時骨疎影休疑月下魂惆悵論交松竹
後怕隨桃李列公門

守閘

舟鮫截飛流箱峽忽中斷牆榑參雙闕岸圻縣一棧懸木垂簾
波橫闕插魚鱗版築如打夯繩引若牽磔屏籓旣遮爾壁巖難
奪扞門高鎖鎗嚴津要官卒悍云持調水符恪守宣防箭怒縮
比收纜帆落同卻扇排檣插門戟擺櫂集汀雁歎關梁踰垣盡
吟閑越畔遙聞箭艣喧不異駝鴨亂登厓俯窺尋隔戶同感歎
程期待三朝出入爭一閒窮鱗困止水去蜨阻風幔空擎下水
船不放流星彈我聞唉啞啞歸坐語灌灌洪河辭溯洄枉渚樂
迂慢轉運闕此途就陸由汝便卻將懶惰心翻作淹留怨語塞
誰解嘲口噤休設難無聊聽荒雞不寐成鴝且譬遭石尤虐敢
與波臣戰解駁苟可期策馬我寧殿任運作行止通塞理各半
無後亦大難請君游汗漫

放閫

當關十夫號積蔽一朝屏譁若館壞垣喊若郊釋警聰若耳徹
駐明若目去嘗如背剔芒刺如喉脫魚鯁如羶上去鍼如領下
裂癭如鳥離敗巢如蛙跳古井如鹿辭墮蕉如條別丹鼎登隨
頰叔乎總比鄧艾遲兩崖吸干篙百手率一綆上者懼中懈下
者惕前猛雖然策彼衰亦復御其騁往來或相防出入各自幸
推篷能驚呼酌酒同酪酏前關倘未封所願不敢請斯須且快
意慎勿思轉境

聞戴進士

衛亭

舍人

廷對第一喜而有作

文章能稱美科名氣節應侔古俊英立腳當爲前輩繼得人景
但一家樂詞垣接武恩尤重國士酬知任放輕檢點名臣言
行錄百年期望在鄉評

安山開看月憶知康

豈是相偕計更車黃塵烏帽最憐渠門多朱履難爲客士到長
安不易居漫托館餐煩父執當攜書劔實僧廬家人此夕依南
斗未識推籬似倚闌

楊奮武談臨清殺賊事有贈三首

手提二十七頭顱丞相曾誇好丈夫三尺昆吾萬人敵將軍終
佩玉麟符

短刀巷戰逐游魂襟上臨清舊血痕三十男兒能殺賊越公華
胄尚書孫

通城一炬武功成譚虎猶令四座驚可有袁宏記遺事運租船
外月分明

舟中示知讓

不願見之形不入耳之聲前後左右閒如張鐵圍城無物塞我
聰無物蔽我明坐困桎梏中不能馳心兵邊身百卷書呼兒讀
且聽鬼怪亂我前我目別有瞠雞犬吠我旁我耳別有玲哢哢
糞土言擾擾木偶傖蠛蠓自去來蜉蝣各死生我身墮惡境我
意游廣庭聖可羣鳥獸賢可侶祖程我非聖與賢竊懼疫癘嬰
譬諸謹疾人怕觸風雨腥又如養生者夙夜防三彭經史充大
藥其功比參苓沈滌曠期留不使鄙吝萌俗間自屏絕俗見自
關扇衣冠古人出壯讓古人興彼哉等奴隸焉得稱友朋

再示知讓二首

算貧于無學算孤于無友算苦于無識算賤于無守無學如病
瘵枯竭豈能久無友如墮井陷溺孰援手無識如盲人舉趾輒
有咎無守如市倡與阜皆可誘學以腴其身友以益其壽識以

自古遭逢不易酬身微敢乞

主恩僥當官擔子如山重未上肩時已白頭

雨過

雨過帆腰重灘迴槳力柔雲衣隨去鳥風幔落閒鷗酒趁輕航
買魚看細網收江南楊柳岸翻欲小淹留

登車

雷霆擁雙輪塵土埋七竅脫身風波中曳尾泥沙道筋骸近衰
頽意氣殊壯少眼昏三里霧心怖一壓謀臂彼轅下駒老怯市
門淖路逢駟馬車或有八騶導當時戴笠友相顧成一咲

見知廉

席帽原寒士京闈異省門文須防勒帛書算誤金根述事陳家
信思孃掩淚痕移鐙呼小弟絮語各寒溫

往海淀車中疾作

積損乃成衰此身爲苦器壞餅本難持四大豈能治曰地水火風增損各殊異藉茲車輪轉動搖不可制海水以升量血髓誰布施鞭撻分重輕五百悟前世安得金剛手洗病出思議

宿李寶幢學士直廬竟夕顛頓承延達侍郎替診視并

感韓石先生彭衣春侍講朱石君前輩垂問

頭風旋飄輪心火炙丹轂可憐翩翩身不異受風竹迴環瞻病人供養稱具足就中月明王或爲盲者哭三藥酥蜜油持水手且縮故人縣寶珠莫照黑暗獄我欲執幡腳生命同晝燭

永樂庵視四兒斗郎墓

武皇昔何忍桐棺汝久殤一坏依淨土廿載瘞空桑入夢兒彈

淚

知服前二女
夢牽衣絮絮

題碑我斷腸揚州建隆寺悽慘共斜陽

得舉第三孫阿情信

阿厚十齡能誦經阿安八歲學趨庭
蘭邊三載種梧竹花底一朝添鶴
鵠繡襪深煩祖母製曉聲都藉故人
聽老夫擁被看家閒欲喚奚童倒玉
餅

得舉第四孫阿義信

送喜鐙明粟蕊垂貫珠書展字纍
纍神光交映成雙璧雲氣新籠第四
芝甘味遞分難屬鑾爐樓同撞亦堪
危朋來若仿蘇家例排卦應名是復
兒

東坡賀子由生第四孫詩云朋來四男兒大壯泰臨復

病後遣知廉知讓南歸二首

兄赴科名弟壯游分喪先後到神州
有司放汝還家好不仕寬予早達愁
久別當尋將母樂新涼便買讀書舟
從知病骨迎秋健已是能餐粥兩甌

秋容漸換柳將髡斷岸依稀認水痕分壘文詞宜白戰對林風
雨耐黃昏計程心放郵籤熟撥權詩成舊韻存不許驚波喧藥
鼎夢中隨汝到家門

翁覃溪前輩得宋槧施元之顧景繁合注蘇詩舊本卽
朱綿津得于常熟毛氏者內原缺十二卷裴演人羅煥
凡破碎方幅皆觀背完好同人作詩題之

放翁博雅人不敢注蘇杜孰爲毛耶幾乃有施與顧坡集馳厲
禁大顯及南渡詩缺十二卷嘉泰鏤可據毛氏有宋本綿津書
收護刪顧而存施改竄多謬誤重鐫行已久誰復知故步雖載
居易錄查本聊益附堂堂覃谿翁望古發遐慕寢饋書城中雉
堞金石固可憐明月眼不許嫌煙霧灰絲塵漬間探指搜瓊璐
忽得商邱遺卷帙有題署幽香出籤暉古澤浮紙素如展百納

帖繡比三館或爲蟬翼鋪或簇蟲眼駐袂手記羅煥書格欽
漢孺藏之寶蘇室若士獲奇遇雨腳訛兩腳宋藥亦可懼龍山
在濟南施注且未悟深知考訂難敢妄任箋疏咄哉邵青門厥
罪未容恕補王叔明畫修楊惠之塑施宿訂石鼓久擅家兒譽
倉卒坐周內梨棗亦逢怒不但吳虎臣藉遭顯文姑向聞滄浪
集亦出元之注鏤板三衢開漣滅落何處我來蘇米齋楮益富
家具宋刻有它件請更搜別庫

瑞金楊節婦羅臺山

有育

孝廉請作詩也

太歲在庚午乾隆十五年我見楊先生

于位

豫章講席閒南昌

縣志絕舊本制府馳檄飭縣官我時偕先生共把書局筆先生
白帶霜緣坡往往酒酣聞太息云有新寡婦旣烈且孝年二十
奈何奈何雙涕出我爲請詳翁乃默閱二十九載我復官京師

扣門云有病客來叶病中迎客噫吁嘻臺山我友前致詞裏出
節婦傳乞君病裏詩展視一再重嗟咨楊先生痛其若斯賴氏
女聖依子楊家四郎名其珺旣娶而尪病不起事親立後託賢
妻不許從夫等閒死夫死不復生婦死數數難捨姑哭聲颺而
曰吁夫化幾日歟或曰一旬頗有餘吾憐汝姑哭兒哭媳盲且
瞽婦瞿然起拜女竇敢不苟活未亡人立孤元潼甘食貧粥墮
具膳羞兩親洗面以淚三十春元潼跛十餘齡以痘殤婦笑笑
老姑病革別諸婦脫珺獨酬婦苦辛迂哉楊先生尚以假怒試
婦心婦心百鍊瑞金金節婦五十未得旌文人傳志奚重輕天
地限之了此生嗚呼節婦何有名

吳百藥侍讀招飲接葉亭用壁間邵二雲編修韻

綠蔭房櫳深香重簾帷軟花含思婦情淚濕燕支淺牆陰簇盆

益謹避斜陽轉周遮翠鬟圍罷亞紅妝滿屏風列姬姜遜此朝
霞變先生學道人頗懼西風短聊借時春和一媚秋堂晚茲寧
肯賢繼附益開池館澹素逾深幽不假事雕纂我本麕鹿姿天
性樂町疇雖無修衣田亦置菟裘虛室成身出游毋乃計非善
輪君接葉園自豁讀書眼觀音大自在聽色天所限衆生苦聲
聞兀兀庶無覩

張菊坡十六員外畫梅

越州畫梅童二樹手口終年遭墨污橫槿倒植不自持常使花
開無紙處揚州畫梅羅兩峯樹樹梅花立放翁繁枝密蕊益疎
澹清氣一洗山林空鄧尉西湖游幾載更坐揚州香雪海花開
沁釀魂魄香不借丹青飢渴解燕市尋梅亦大難偶逢一株如
得官往來風雪不快意只好壁上披圖觀法曹張君有梅癖增

香疎影填胸臆指輪忽放鐵丫叉牆上橫排古戈戟腕力有餘
邊幅窄一丈中藏千萬尺枯椿獨挺百鍊剛神臂橫開萬人敵
黏苞綴萼如有香黑夜能生虛室白胸懷如此定高寒常與羣
芳異標格病中看畫雙眼明未見法曹心已傾安得兩峯二樹
同把臂寫我四壁成花城兩峯嬌女亦能畫纖指拈豪比風快
得寫梅花壽老夫今隨病叟空齋挂我如梅瘦花久凋官衙老
署冰一條法曹漫訂花前飲只恐江梅不入騷

南唐僧巨然茂林疊嶂圖有賈似道悅生小印

後湖不賜東都鬼祕笈都隨上陽燬降旗影裏畫師身愁寫金
陵舊山水宣和所藏今有無忽見茂林疊嶂圖兩峯中斷山宮
觀戢戢檐瓦魚鱗鋪峰房燕幕意深遠劉道士同師北苑互爲
賓主畫中人一例雲煙紛過眼學士院壁嵐翠銷潯水殘山弔

大朝姓名恥附南唐史絹墨欣逃劫火燒悅生小印存無損依
樣葫蘆送金粉圖籍空留狎客評江山暗換元人本我聞同時
尚有應之僧柳法妙寫楞嚴經卽看畫聖遺龍筆誰與書神續
命鐙

錢忠懿王金塗塔歌

表忠譜載金塗塔高六寸重卅五兩造自錢王乙卯年入土無
人挂牛杖是歲忠懿立八秋顯德二年王佐周銷鎔銅佛鑄泉
貝詔廢僧寺來杭州錢王造塔懼功令埋瘞地下同幽囚史稱
吳越重聚歛裸民以篋爲衣喪支提塗金滲膏血求福恐累王
清修古來阿育王生金色子妬妻易以彭亨豕遂令八萬四千
婦王怒誅之同日死後思懺罪建浮屠各以舍利承其跣道人
手掩日輪影旭彩四射閭浮區窳堵徒多恐無益芥針棗葉牟

尾力輦載如山納汴京劫殺雖逃民骨立此塔出土萬歷初顧
家耿光掘自虞山隅鄱陽姜堯章與秀州蔣爾齡各各所得形
槲殊塔輪四面鑄佛像割肉捨身鷹虎餉王能納土救衆生不
在區區諸變相嘉禾張生示搦本桐鄉金氏收藏謹五百獼猴
試繞看乳滴菩提身不損

趙忠毅公鐵如意歌

臣掌選司陳四害臣掌都堂論四凶澄清廊廟是已志豈肯低
頭魏進忠呼臣元凶具十罪皇天后土知臣衷坐職遺戍心無
悶不見逆案死且恨平生烈性百鍊剛隻手焉能挽天運烏金
如意翦黑雲誰與鑄者張鼇春七星五嶽拱八卦圖書映帶雲
雷文其銘二十有六字堅重真爲君子器廉而不剋鉤無鐵舞
歌勿折臣之志身圓頸方尺半長上有葵花向太陽雁門相伴

死宜殉幸未附棺埋北邙冀申恨少司農多虛說三君同元元
葬向宜州弓老兵此卽鐸鐸忠毅骨

青羊沈

象物而制器于義得兼取范金別形模量副集升斟自鐘磬鼎
彝盤盂及尊缶鑄鑿龍虎雕犧象饗養有角齒耳目鼻腹背身
足首各猗猗婆娑法戒判美醜商周逮秦漢法物各垂久不但
函八函合甲三百壽銅沈東京遺滌器吳人守銘鐫青羊字腹
以虛能受不黨吉事宜婚禮贊无咎繁露羊爲祥充贊儀亦厚
是以元嘉刀宜爾侯王某說文與釋賦雖各相辨剖儀禮置沈
疏考據難可否存之几席旁儼若對耆耄嗟哉縛主簿真是癡
龍耦倘識初平兒疑卽修羊叟博古亦大難眞贋孰繩糾癸酉
己乙鼎慧季鬲州占比附互矛盾聚訟訛十九玩物恐喪志辛

書法蟲蚪勿貯蘊之湯請盛陸胥酒羊脂能軟銅老抵防骨朽
中有未位神不與臧穀友爾羊曷來思叱叱蘇卿數

對月憶藏園

一片長安月光照小園簾垂千里夜鐙暗兩當軒樓影臨花
重書聲遞竹喧中宵神往處欹枕欲忘言

早朝口占

酒面生寒冰在須豹闥釐禁步徐徐九天風較人閒冷老輩班
宜後進疎仗外馬隨馴象立殿前鐙是燭龍擎六科廊下逡巡
坐只有詞臣少直廬

三義行

克什泰何堂堂鑲藍旗人贊禮郎不讀書略識字耳內不甚知
聖賢性中獨自有仁義一妻二子三十餘出入乘一馬亦無婢

與奴凡其所行事皆曰古丈夫官滿當外補送者來塞途哭聲
哀哀手執袂古丈夫去今更無江寧進士曰龔孫枝歷仕到古
州官理苗同知文士作循吏才大而敷奇以事銷級走京師眷
屬二十日孰救寒與飢後官爾何人是爲竈什泰前官衣食我
任之他家飽暖吾心快如是五六年施者受者皆自然但曰前
官是好官龔君遙遙感且歎及龔倅東昌家人始聞藥一舟素
施經河干嗚呼古丈夫死矣身在棺是時龔奉檄往督糧艘還
遲遲半載龔遊長安訪于太常街孤婦漸飢寒龔哭失聲相慰
勞苦貸錢買屋奠厥居醺酒頻澆趙州士二子十餘齡當延句
讀師雖然世稟仁義性亦須偕誦賢聖詞嗟哉奇士適遇之義
行更爲古所稀奇士名龔涵是爲君從子年二十二美且都從
君遠到長安市涵婦翁方應綸丞東鹿召涵婚涵聞兩孤且廢

學長跪叔前流涕陳願不負叔生死誼涵請暫留餐壻身斷齋
畫粥偕二子或者師弟皆成人叔咲且悲告邱嫂孀乃擇吉延
師云嗚呼三義士先後同一轍誰道今人棄如土各以酸心傾
熱血噫噓唏請君讀我三義行一死一生見交情君不見黃金
滿簾惟自固轉眼兒孫唬道路

題孫雪居董香光書畫合冊爲吳香亭太常作

燒銀燭倒玉壺坐我米家船開君顧氏廚前幅番番素絹鋪後
幅葉葉金箋俱絹出漢陽老守畫箋爲華亭太史書太史爲誰
董元宰老守卻足孫雪居合裴高廣八寸餘是先有書後有圖
官解楚綬詩寫唐賢香光四十有七歲萬歷二十有九年再閱
五載始補繪各成八幅同流傳詩合畫意畫得意賤子細陳君
勿喧前四幅似閒居時閉門感舊有所思青也上衣坐深院雲

樹入酒銜空卮玉樓自招翡翠宿綈袍孰解縣鵲悲其後四幅
別有託隱念征戍嗟此偁玉門春老怨羌笛五谿客過唳子規
尖峯割腸故鄉遠海風吹雪驚沙飛哦詩已懼慘入骨讀畫更
覺寒生肌老守前題墨妙額太史後跋舍媿詞承平士夫尚文
雅藝林朋友無嫌疑當時兩家書畫數臘本尋常供求取轍材
或堆門士箱練裙時落家姬手嗚呼老守無復見太史亦未多
可憐君畏昔藏弄不識香亭今摩挲燭且盡顏已酡酒龍詩虎
同作歌顧廚米舫終如何

十月二十八日

傷懷五十侍歌筵失母偷生又四年再曳朝衫添白髮徒將清
酒滴黃泉壺冰案雪兒猶在店月橋霜婦可憐問內子何日柴荆
傍邱壟老垂雙淚墓門邊

夢中訪竇文貽都督有作篇成而醒

十丈旌旗八面營屯田都與戍人耕陣雲風偃全軍肅沙磧天
圍一掌平萬馬不嘶春縱收九邊無警夜論兵堦鏊挂壁衙扈
酒猶是當時魯兩生

十一月十日家人至

相逢執手展良新不見當時耽養人
氣掃庭前日
春重
至上
父昔年身攜來家具鼎鼎卸別後情懷瓊瓊陳翦燭更闌疑夢
寐酒匝波暖欲生鱗

爲曹慕堂太僕題卮仙著色山水卷子

太平境界無桃源蓬萊亦在人世閒蟬蛻尸解稱神仙靈氣不
死非壽年天神人鬼飄風旋少翁術在巫覡先玉堂前輩此卷
傳云是仙筆虛空縣山水清淑意態妍姓名歎識祕弗宣是女

非男然不然薄霞紅借綃衣鮮淺黛綠沁鴉鬢髮微拖淡抹刷
復翩衫痕肩釵元乎元若使丹青渲染填十日五日功還延驚
疲鶴倦侍者眠此幅著色猶難全神妙之筆超解詮姑與評賞
毋拘牽天巧不與人工權一切有相原雲煙是仙非仙皆可憐
雪鴻江月參斯禪

病中

紙帳梅花冷頭低藥竈前一官栖鳥鼠百事等雲煙病與妻孥
共貧增故舊憐但餘鄉夢在留滯愧諸賢
我憶鷗波館閒居迹豈孤十圍依老樹萬卷付童烏黃閣身何
有青山買得無明年吹鐵笛歸老蕩花湖

贈金賢村太守二首

長安甲第數高門身是秬侯幾世孫少擁朱轡張繡幃老持檀

板進金樽紅妝絲竹花枝豔文酒風流友誼敦我是江南衰賀
鑄每聽法曲一銷魂

觥籌傾倒托因緣每趁紅燈醉綺筵手植芙蓉爲侍從吹吹龍
笛是神仙鏡中須髮猶如少局外英雄每可憐日飲亡何可消
遣本來諸事等雲煙

送熊蔚亭比部守平涼二首

馬狗衣羈薄笨車闌風伏雨抱爰書枯僧行滿纔成佛涸水流
寬便作渠瘠土民貧鴻待哺醫門病雜藥當儲小戎風俗難輕
挽正要文翁闢講廬

銓前常稟四知金荒政同霈

帝澤深天道好還誅墨吏山田多旱待甘霖劇郡自來需老手
官方終是賴婆心况鍾加秩鄉人喜濡筆當展五袴吟

題德微三女筵三首

曾送當時新嫁娘
縷金釵鳳鬱金香
如今顏色添蕉悴
典盡兒家八寶箱

記得春江一道開
柁樓小泊石城隈
青簾白舫無多地
猶爲江郎戰婦來

長安委巷閉門居
褰布齋鹽樂有餘
不識何時夫壻貴
凝妝映上七香車

忠雅堂文集卷二十四